

AV TRESILLVSTRE  
PRINCE EMANVEL PHILIBERT,  
DVC DE SAVOYE, PRINCE DE PIEMONT,  
Conte d'Ast, &c. Gouverneur des  
Pais-bas, & General de l'armee  
de sa Majesté.



RIEN QVE DE LONG  
tems, éprins par l'excel-  
lente renommmee des  
vertuz tresillustres de  
votre ALTESSE, j'aye  
desirè, avec mon perpetuel  
service, luy offrir quelque  
chose de més labours:

Si est ce que je n'eusse pas encore maintenāt ozé  
entreprendre, luy dedier la traduction, & im-  
pression de l'œuure presente (veu même qu'elle  
est ja de long tems siene en son naturel langage)  
n'eût eté, que plusieurs Doctes & sauans per-  
sonnages, qui ont fait l'experièce de cès Secrets,  
m'ont affermé, iceus estre non seulement verita-  
bles,

bles, mais aussi tant singuliers, & profitables, que grandement ilz meritent estre diuulguez sous le nom, protection, & autorité de quelque grand Prince amateur du bien public. Ce considéré, & le nom de l'auteur se disant Piemontois, joint votre naturelle inclination à aymer toutes sciences & vertus: je n'eusse osé les mettre en lumiere sous autre nom, que de votre ALTESSE. Car c'est bien raison, que le plaisir, & profit, qu'un chacun en tout tems prendra par la lecture, & pratique de ces Secrets, produis d'un Piemontois, soit totalement raporté à la liberalité, & faueur du tresillustre Prince, & vray heritier de Piemont: avec double obligation de prier Dieu pour sa prosperité, & rendre graces au Seigneur, non seulement du bien, paix, & tranquillité esperee par ses tant heureuses victoires: mais aussi du profit, que tous receueront par la communication à eus faite de ces tant rares Secrets. La publication dequels, faite sous le tresillustre nom de votre ALTESSE, accroitra à plusieurs le desir de  
jouir

jouir des tresors en iceus contenus : & à moy  
(connoissant ce mien petit labour luy auoir esté  
agreable) augmentera l'ardant zele de m'em-  
ploier, tant au bien public, comme à faire tres-  
humble seruire à votre ALTESSE: A la-quele  
le Createur, par sa grace, veuille ottroier l'heu-  
reus accomplissement de ses vertueus & nobles  
desirs. d'Anuers ce quinzième jour d'Octobre,  
l'An M. D. LVII.

De votre ALTESSE.

Treshumble seruiteur  
Christofle Plantin.